

Član 9.

Ovaj pravilnik stupa na snagu narednog dana od dana objave u "Službenim novinama Federacije BiH"

Broj 06-02/1-1346-6/11
19. juna 2012. godine
Sarajevo

Ministar
**Jerko Ivanковић-
Лијановић**, с. р.

1213

Na osnovu člana 118. stav 1. tačka 2. Zakona o veterinarstvu ("Službene novine Federacije BiH", broj 46/00), odredaba Zakona o veterinarstvu u Bosni i Hercegovini ("Službeni glasnik BiH", broj 34/02), člana 27. st. 2. i 3. i člana 30. stav 2. Odluke o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03, 14/04 i 35/05), federalni ministar poljoprivrede, vodoprivrede i šumarstva donosi

PRAVILNIK

O VISINI I NAČINU RASPODJELE NAKNADA ZA SVJEDODŽBU O ZDRAVSTVENOM STANJU ŽIVOTINJA I. OPĆE ODREDBE

Član 1.

Ovim se Pravilnikom određuju visina naknada za izdavanje svjedodžbe o zdravstvenom stanju životinje na teritoriji Federacije Bosne i Hercegovine (u daljem tekstu: Federacija), način njihovog obračunavanja, te način prikupljanja i plaćanja naknada, način raspodjele i namjena sredstva i visina naknade za obavljene veterinarski pregled i kontrolu životinja prilikom utovara radi prijevoza u unutrašnjem prometu te visina naknade za izdate potvrde o zdravstvenom stanju, dužnosti i obaveze veterinarske organizacije i vlasnika životinja, štampanje i distribucija propisanih svjedodžbi i nadzor nad primjenom ovog Pravilnika.

II. VISINE NAKNADA

Član 2.

Naknade se plaćaju za izvršene veterinarsko-zdravstvene preglede i kontrole propisane:

- Zakonom o veterinarstvu u BiH ("Službeni glasnik BiH", broj 34/02);
- Zakonom o veterinarstvu ("Službene novine Federacije BiH", broj 46/00);
- Odlukom o veterinarskoj svjedodžbi o zdravstvenom stanju životinje i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03, 14/04 i 35/05).

Član 3.

Za izdavanje svjedodžbe plaća se naknada u visini:

1. Kopitari	Visina naknade	KM
a) konj	6,00	
b) ždrijebe do 3 mjeseca starosti	3,00	
c) magarac, mazga i mula	3,00	
2. Papkari		KM
a) govredo	6,00	
b) tele	3,00	
c) svinja	2,5	
d) prase do 2 mjeseca starosti	1,00	
e) ovca i koza	1,00	
f) janje i jare do 2 mjeseca starosti	0,5	
3. Perad		KM
a) perad do 10 dana starosti	0,005	
b) brojler	0,015	
c) 18-esto sedmične pilenke	0,016	
d) noj	1,00	

e) ostala perad	0,04	
f) rasplodna jaja (po komadu)	0,001	
4. Pas	4,00	KM
5. Mačka	3,00	KM
6. Kunići		KM
a) za rasplod	0,2	
b) kunić mladi	0,1	
7. Pčele		
a) pčele (po košnici)	0,8	KM
b) matice	0,5	
8. Žive ribe, rakovi, školjke, mekušci, puževi, žabe (po kg)	0,04	KM
9. Dlakava divljač (mesojedi i papkari)	5,00	KM
10. Dlakava divljač (glodari) i pernata divljač	3,00	KM
11. Krznašice iz uzgoja	0,5	KM
15. Sobne i egzotične ptice, te druge kućne životinje, izuzev pasa i mačaka	1,00	KM

Naknada iz stava 1. ovog člana, se plaća za svaku životinju osim za životinje iz tač. 7. a) i 8. gdje je jedinica mjere košnica pčela odnosno kg.

Član 4.

Pod pojmom dlakava divljač i pernata divljač iz člana 3. stav 1. tač. 9. i 10. ovog pravilnika, podrazumijeva se:

- a) mesojedi: divlja mačka, ris, vuk, čagalj, lisica, kuna zlatica, kuna bijelica, smeđi tvor, velika lasica - hermelin, lasica mala, vidra, jazavac, mrki medvjed;
- b) papkari: obični jelen, jelen lopatar, srna, divokoza, kozorog, muflon, divlja svinja;
- c) glodari: zec, divlji kunić, bizamski pacov, puh obični, vjeverica;
- d) pernata divljač: koke (Phasianidae); patke (Anatidae); čaplje (Ardeidae); rode (Coconidae); ražnji (Threskiornithidae); pelikani (Pelecanidae); jastrebovi (Accipitridae); sokolovi (Falconidae); ždralovi (Gruidae); liske (Rallidae); droplje (Otidae); vivci (Charadriidae); šljuke (Scolopacidae); pomornici (Stercorariidae); galebovi (Laridae); čigre (Strenidae); golubovi (Columbidae); sove (Strigidae); vranci, kormorani (Phalacrocoracidae); gnjurci (Podicipedidae); pljenori (Gavidae); vrane (Corvidae).

Član 5.

Veterinarsko-zdravstvene preglede i kontrole životinja iz uvoza obavlja kantonalna veterinarska inspekcija u objektima za klanje i objektima za obavljanje karantena uvezenih životinja prilikom istovara životinja i za to se plaća naknada za:

a) kopitare, papkare, perad, kuniće, divljač i ptice i to:

1.	od 10 do 25 t	20	KM
2.	od 5 do 10 t	16	KM
3.	od 2,5 do 5 t	11	KM
4.	do 2,5 t	8	KM

b) ribe, rakove, školjke, kornjače, puževe, žabe, pčele, svilene bube, pijavice, kalifornijske gliste i laboratorijske životinje i to:

1.	od 10 do 25 t	35	KM
2.	od 5 do 10 t	25	KM
3.	od 2,5 do t	17	KM
4.	do 2,5 t	8	KM

Član 6.

Utovar životinja u namjensko prevozno sredstvo podliježe obaveznom veterinarskom pregledu i kontroli za koji se plaća naknada u visini:

a) za kopitare, papkare, perad, kuniće, divljač i ptice i to:

1.	od 10 do 25 t	20	KM
2.	od 5 do 10 t	16	KM
3.	od 2,5 do 5 t	11	KM
4.	do 2,5 t	8	KM

b) za ribe, rakove, školjke, kornjače, puževe, žabe, pčele, svilene bube, pijavice, kalifornijske gliste i laboratorijske životinje i to:

1.	od 10 do 25 t	35	KM
2.	od 5 do 10 t	25	KM
3.	od 2,5 do 5 t	17	KM
4.	do 2,5 t	8	KM

Podaci o pregledu, vrsti i registraciji vozila, mjestu utovara i odredišta i naplaćenom iznosu upisuju se na poleđini svih pojedinačnih ili skupnih Svjedodžbi o zdravstvenom stanju životinja.

Član 7.

U svrhu ostvarivanja novčanih poticaja u primarnoj poljoprivrednoj proizvodnji za životinje po vrstama i košnice pčela koje ostaju na imanju vlasnika, koji ostvaruje pravo na poticaje, izdaje se potvrda o zdravstvenom stanju životinja.

Potvrdu izdaje veterinarska organizacija uz naknadu od 20 KM po jednoj potvrdi. Obrazac potvrde nalazi se u prilogu ovog pravilnika i čini njegov sastavni dio.

III. NAČIN RASPODJELE I NAMJENA SREDSTAVA

Član 8.

Naknade iz čl. 3., 6. i 7. ovog Pravilnika u cijelosti su prihod veterinarske organizacije koja je izdala svjedodžbe, izvršila pregled i kontrolu prilikom utovara, odnosno izdala potvrdu o zdravstvenom stanju životinje.

Naknade iz člana 5. ovog Pravilnika su prihod Budžeta Federacije i budžeta kantona i iskazane su bez poreza na dodatnu vrijednost, a uplaćuju se prema odredbama važećeg Pravilnika o načinu uplate javnih prihoda budžeta i vanbudžetskih fondova na teritoriji Federacije.

Uplata se vrši na osnovu obračuna i naloga za plaćanje ispostavljenog od nadležnog veterinarskog inspektora na Obrascu broj 3. koji se nalazi u privitku ovoga Pravilnika i čini njegov sastavni dio.

- 20% su prihodi Proračuna Federacije, namijenjeni Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo) radi podmirjenja troškova izrade programa iz oblasti zaštite zdravlja životinja, edukacije i štampanja potrebnih obrazaca i edukativnog materijala iz oblasti veterinarstva.
- 80% su prihodi budžeta kantona, koji su namijenjeni za provođenje mjera zdravstvene zaštite životinja na području kantona.

Član 9.

Naknade propisane u čl. 3., 6. i 7. ovog Pravilnika iskazane su sa porezom na dodanu vrijednost (PDV).

IV. DUŽNOSTI I OBAVEZE VETERINARSKOG INSPEKTORA, VETERINARSKE ORGANIZACIJE I VLASNIKA ŽIVOTINJA

Član 10.

U skladu sa odredbama ovog Pravilnika, veterinarsko-zdravstveni pregled i kontrolu pošiljki životinja iz uvoza u objektima za klanje i objektima za obavljanje karantina uvezenih životinja obavljaju kantonalni veterinarski inspektori, a u svim drugim slučajevima veterinari iz veterinarskih organizacija.

Član 11.

Nadležni veterinarski inspektori su dužni slati mjesečni obračun iznosa naknada za obavljene veterinarsko-zdravstvene preglede i kontrole na Obrascu 3. Federalnom ministarstvu kao i:

- kopije obračuna iznosa naknada za obavljene veterinarsko-zdravstvene preglede i kontrole
- primjerke izdanih zapisnika
- dokaz o uplati sredstava namijenjenih kantonalnom i federalnom Budžetu najkasnije do 10. u mjesecu za protekli mjesec.

Član 12.

Direktor veterinarske organizacije je dužan Federalnom ministarstvu dostavljati mjesečno primjerke izdatih svjedodžbi o zdravstvenom stanju životinja i izvještaj o izdatim svjedodžbama najkasnije do 10. u mjesecu za protekli mjesec. Obrazac izvještaja o izdatim svjedodžbama o zdravstvenom stanju životinja nalazi se u prilogu ovog pravilnika i čini njegov sastavni dio.

Član 13.

Vlasnik životinja, odnosno pravna ili fizička osoba na koju se odnosi obavljene veterinarsko-zdravstveni pregled i kontrola, dužna je platiti ispostavljene račune od strane nadležnog veterinarskog inspektora i veterinara iz veterinarske organizacije u roku od 15 dana od dana prijema računa.

V. ŠTAMPANJE I DISTRIBUCIJA OBRAZACA

Član 14.

U cilju sprječavanja zloupotrebe obrazaca koji se primjenjuju u unutrašnjem prometu propisanih Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03, 14/04 i 35/05) i radi kontrole izdavanja istih, štampanje obrazaca dokumenata obavlja se isključivo u ovlaštenoj štampariji i samo po nalogu Federalnog ministarstva.

Distribuciju blokova obrazaca svih dokumenata obavlja ovlaštena štamparija i to na osnovu naloga Federalnog ministarstva, uz popratnu otpremnicu.

U otpremnici je obavezno navesti kojoj se ovlaštenoj veterinarskoj organizaciji uvezani obrasci dokumenata dostavljaju, naznačene serije blokova i redni brojevi obrazaca. Po jedan primjerak otpremnice štamparija dostavlja: ovlaštenoj veterinarskoj organizaciji, nadležnoj kantonalnoj veterinarskoj inspekciji i Federalnom ministarstvu, a jedan primjerak ostaje štampariji.

O primljenim i izdanim blokovima obrazaca dokumenata, ovlaštena veterinarska organizacija vodi evidenciju koja mora biti ostrižena i ovjerena.

Neispunjeni blokovi obrazaca dokumenata čuvaju se zaključani i pristup je omogućen samo odgovornim osobama.

VI. NADZOR

Član 15.

Nadzor nad provođenjem ovog Pravilnika vrši Federalno ministarstvo i Federalna uprava za inspeksijske poslove, svako u okviru svojih nadležnosti.

VII. ZAVRŠNE ODREDBE

Član 16.

Danom stupanja na snagu ovog Pravilnika prestaje da važi Pravilnik o visini i načinu raspodjele naknada za svjedodžbu o zdravstvenom stanju životinja ("Službene novine Federacije BiH", br. 18/09 i 57/09).

Član 17.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 06-02/1-1346-8/11

19. juna 2012. godine
Sarajevo

Ministar
Jerko Ivanković - Lijanović, s. r.

BOSNA I HERCEGOVINA
FEDERACIJA BOSNE I HERCEGOVINE

Obrazac 3

(kanton)

Kantonalni organ uprave nadležan za veterinarsku inspekciju

Broj: _____

Datum: _____

**MJESEČNI OBRAČUN IZNOSA NAKNADA ZA OBAVLJENE
VETERINARSKO-ZDRAVSTVENE PREGLEDE I KONTROLE POŠILJAKA
ŽIVOTINJA IZ UVOZA**

Za mjesec _____ 20__ godine.

Broj i datum obračuna i naloga za plaćanje naknade	Ukupan iznos naknade	Iznos od 20% naknade – prihod Budžeta F BiH	Iznos od 80% naknade – prihod Budžeta kantona	Broj pregledanih uvezenih životinja	Broj rješenja za uvoz UZV/KZV
UKUPNO					

U _____, dana _____ 20__.

MP

Potpis odgovorne osobe

Prilog :

1. kopije obračuna iznosa naknada za obavljene veterinarsko-zdravstvene preglede i kontrole _____ komada
2. primjerak/ci izdanih zapisnika _____ komada
3. dokaz o uplati sredstava

- popuniti čitko i uredno-

1) Podaci o držatelju životinja

a. Ime i prezime _____

b. Adresa _____

P O T V R D A**o zdravstvenom stanju životinje/životinja**

2) Podaci o životinji

a. Vrsta/pasmina _____

b. Oznaka životinje _____

c. Broj životinja/košnica * _____

d. Starost životinje _____

Naziv intervencije (dijagnoza, terapija, datum početka liječenja i datum završetka terapije/karenca)		

Datum:

Mjesto,

Ovjerava ovlaštena veterinarska organizacija

* ova rubrika se popunjava samo u slučaju kada se potvrda izdaje za perad i pčele